

Delegacija IUT-a u zemlji značajnog obrazovnog napretka i Guarani jezika

Prva posjeta jedne bh. visokoškolske institucije Paragvaju

Učvršćivanje uspješne saradnje između univerziteta kao i iskrenih i dubokih, prijateljskih veza između Paragvaja i BiH



Prof. Ing. Geronimo Lavios i rektor prof. dr. Ibrahim Jusufrić

Akademik rektor prof. dr. Ibrahim Jusufrić, na poziv Universidad Nacional del Este (Univerzitet Istoka) iz Ciudad del Este, je predvodio delegaciju Internacionalnog Univerziteta Travnik u Paragvaju. Unutar planiranih oblika aktivnosti prvog dana boravka, održao je sastanak sa rektorom UNE, prof. dr. Victorom Britezom Chamorrom i sa zamjenikom ministra za visoko obrazovanje Republike Paragvaj, dr. Gerardom Gomez Moralesom.

Susret u Predsjedničkoj palati

Tokom boravka u Paragvaju rektor Jusufrić je, zajedno sa vanjskim saradnicima: koordinatorom međunarodnih odnosa IUT-a, mr. sc. Sabahudinom Hadžialićem, doktorantom; Peterom Taseom i dr. Blas Oddoneom posjetio predsjedničku palaču u Asuncionu. Tom prilikom je šefu ureda audijencije, Jorge Rafael Anazcou, uručio poklon namijenjen predsjedniku R. Paragvaj, Horaciu Manuelu Cartesu Jari – umjetničko djelo – portret predsjednika R. Paragvaj.

Istoga dana, delegacija IUT-a je bila gost Univerziteta tehnologije, trgovine i razvoja (UTTCD) u Asuncionu. Potpisavši Memorandum o razumijevanju rektor Jusufrić je, po prijemu Specijalne diplome visokog cijenjenog gosta univerziteta kao i prigodne istovjetne mesingane ploče, izrazio spremnost na neposrednu konkretizaciju buduće saradnje uz zahvalnost na dodjeli visokog priznanja od uvažanih domaćina.

U ranim popodnevним satima, delegacija IUT-a je posjetila prof. dr. Horacia Galeanu Perronea, predsjednika Asocijacije političkih nauka Paragvaja. Prof. dr. Perrone je izrazio spremnost za posjetu IUT-u uz zahvalnost rektoru Jusufriću na pozivu da posjeti IUT u skorijoj budućnosti. Prof. dr. Perrone je naglasio da će, unutar planiranih aktivnosti, uručiti titulu dr. Honoris Causa rektoru Jusufriću, ali i Nacionalni orden za kvalitetno obrazovanje uz izraženu spremnost za konkretnim oblicima saradnje.

Izuzetno uspješan radni dan u Paragvaju je okončan posjetom La nacionuu, dnevnim nacionalnim novinama. Ana Bolaños – direktor – novinar za vijesti iz područja trgovine i biznisa tom prilikom je intervjuisala prof. dr. Jusufrića

a kompletan intervju je objavljen u kako u štampanom izdanju najčitanije dnevne novine u Paragvaju, tako i na portalu La Naciona.

Ugovori o saradnji

U prostorijama PIPEPC-a (Primer Instituto Paraguayo de estudios de Protocolo y Ceremonial) u Asuncionu, glavnom gradu Paragvaja, gđa Julia Redick je zajedno sa rektorom IUT-a potpisala Ugovor o saradnji.

Tom prilikom je gđa Julia Redick uručila i Specijalnu diplomu visokog cijenjenog gosta rektoru Jusufriću i Hadžialiću.

Još jedan izuzetno uspješan radni dan posjete Paragvaju je okončan posjetom ABC COLOR-u, gdje su na pitanja novinara ovih dnevnih novina odgovarali rektor Jusufrić, Odone, Tase i Hadžialić, doktorand a tekst je objavljen u štampanom izdanju ovih dnevnih novina ali i na istovjetnom portalu.

Razgovor sa ministricom kulture i sporta

Usmjereni ka odgovarajućem uobličavanju željenih aktivnosti tokom četvrtog dana boravka u Paragvaju, delegacija IUT-a, predvođena rektorom Jusufrićem je imala izuzetno plodonosan i otvoren razgovor sa ministricom kulture Republike Paragvaj, gđa Mabel Caurasano, uz prisustvo Osvalda Salerna, direktora odjela kulturne i historijske baštine ministarstva. Tokom sastanka su usaglašene sljedeće planirane aktivnosti: Uobličavanje jačanja saradnje kroz kreaciju štanda Paragvaja na IUT-u; Priprema skorog potpisivanja Memoranduma o razumijevanju između ministarstva kulture Republike Paragvaj i IUT-a; Posjeta Ministricke kulture Republike Paragvaj IUT-u i Zajedničke aktivnosti univerziteta iz Paragvaja sa kojima IUT ima potpisan Memorandum o razumijevanju, kroz koordinaciju aktivnosti sa ministarstvom kulture R. Paragvaj, na uspostavi istraživačkog centra za komparativnu analizu određenih historijskih perioda u obje zemlje unutar iste vremenske refleksivnosti i analiza istovremene pojavnosti u sličnostima i razlikama na prostorima BiH i Paragvaja.

Razgovor sa članovima Kongresa i Senata

Rektor Jusufrić je, zajedno sa članovima delegacije IUT-a, posjetio Kongres države Paragvaj gdje se susreo sa zastupnicima u Kongresu, članovima Komisije za industriju, trgovinu, turizam i kooperaciju: Jose Antonio Romayem, Luisom A Larreom i Elizabeth Sanchez sa saradnicima, tokom kojeg se razgovaralo o jačanju bilateralnih odnosa kroz povezivanje industrijskih, turističkih i trgovinskih potencijala obje zemlje.

Objavljen je i kratki razgovor sa članicom Senata Republike Paragvaj, gđom Desire Masi sa ciljem najave budućih povezivanja zakonodavne vlasti obje zemlje. U popodnevним satima delegacija IUT-a je boravila u posjeti Universidad Americana gdje je rektor Jusufrić razgovarao sa rektorom, dr. Juanom Berangerom o mogućim oblicima saradnje u bliskoj budućnosti.

Mr. sc. Sabahudin Hadžialić održao je predavanje na temu „Mediji, politika, demokratija i bilateralni odnosi Bosne i Hercegovine i Paragvaja“ studentima, profesorima i dekanima Universidad Metropolitana. Istovremeno, rektor Jusufrić je potpisao Ugovor o saradnji sa Univerzitetom Metropolitana iz Asunciona uz prisustvo rektorice, prof. dr. Maria Liz Garcia de Arnold, koja je



Delegacija IUT-a na Univerzitetu tehnologije, trgovine i razvoja

u periodu 2012-2013. bila i prva žena ministrica odbrane države Paragvaj. Uz pretpostavljene mogućnosti konkretnih oblika saradnje, u budućem periodu će se, kroz neposredne kontakte između fakulteta oba univerziteta, konkretizirati ciljevi, zadaci i metodološki oblici realizacije istih.

Najveće priznanje Univerziteta Istoka

Posljednjeg dana posjete delegacije IUT-a Univerzitetu Istoka rektor Jusufrić je primio najveće priznanje navedenog univerziteta. Naime, poslije četiri predsjednika Republike Paragvaj koja su primila visoko priznanje počasno imenovanje visokog gosta Univerziteta za rektora IUT-a je upriličena posebna ceremonija, uz prisustvo studenata, profesora i dekana UNE uz prigodan protokolarni program. Navedeno priznanje mu je uručio rektor UNE, prof. ing. Geronimo Laviosa, koji je upravo na dan uručjenja priznanja preuzeo dužnost rektora od prof. dr. Viktora Briteza.

Rektor Jusufrić je, izrazivši zahvalnost na dodjeli visokog priznanja, tom prilikom održao i prigodan govor naslovljen kao „Znanje kao neograničeni izvor i ekonomski faktor kompetitivnosti“.

Istovremeno, rektoru IUT-a je uručena i posebna diploma, priznanje zbog unapređenja saradnje između oba univerziteta i dvije prijateljske države, dok je, poslije još jedne prigodne ceremonije sadnje drveta prijateljstva u parku univerziteta, na mjestu koje je predviđeno za najznačajnije goste UNE, rektor Jusufrić, primio i treće priznanje povodom sadnje drveta prijateljstva od strane visokih gostiju koji posjete UNE.

Komunicirati znači kreirati mogućnosti

Zadržavši se na konkretnim razgovorima sa rektorom UNE, prof. ing. Geronimom Laviosom o budućoj naučnoj i istraživačkoj saradnji između fakulteta univerziteta, zajedno sa delegacijom IUT-a, prof. dr. Ibrahim Jusufrić je, poslije intervju za Paraguay HD TV u Asuncionu, dao intervju i za TV UNE u Ciudad del Este kojom prilikom je izrazio zahvalnost na uručnim visokim priznanjima i nagradama, ali i učvršćivanju uspješne saradnje između univerziteta kao i iskrenih i dubokih, prijateljskih veza između Paragvaja i BiH.

Značaj posjete delegacije Internacionalnog univerziteta Travnik kolegama i prijateljima, predstavnicima visokoškolskih institucija, ali i predstavnicima izvršne i zakonodavne vlasti Republike Paragvaj sigurno prelazi granice pretpostavljenih namjera sa ciljem da i državne institucije BiH u periodu koji je pred nama svoja međunarodna usmjerenja saradnje usmjere i prema Južnoj Americi i državi Paragvaj. Komunicirati znači kreirati mogućnosti. Internacionalni univerzitet Travnik, predvođen rektorom, prof. dr. Ibrahimom Jusufrićem ide i dalje od toga, stvarajući pretpostavke ne samo akademske, već i buduće bilateralne saradnje prijateljskih država i naroda, BiH i Paragvaja.

PR služba IUT-a

BOSNIA Y PARAGUAY

Buscan fomentar vínculo comercial

Impulsan acuerdos de cooperación en el ámbito educativo con universidades del país.

Sepa más

Primer convenio de cooperación

En el 2014, la Universidad Nacional del Este firmó un convenio marco de cooperación con la Universidad Internacional de Travnik en Bosnia y Herzegovina, que constituye el primer acuerdo internacional que una universidad pública suscribe un acuerdo de cooperación con la universidad del país europeo.

El mismo establece el desarrollo de una investigación académica y una asociación cultural entre ambas instituciones, así como fortalecer más las relaciones bilaterales y en este contexto las facultades de dichas instituciones intercambiarán los contactos para poder ir avanzando en la agenda bilateral a los efectos de establecer una comisión bilateral para coordinar actividades. La iniciativa de ambas instituciones educativas apunta a establecer contactos con organismos internacionales del sector económico, turismo, entre otros.

la ex Yugoslavia actualmente es nulo.

En el 2012, el país europeo importó productos de Paraguay por valor de 271 dólares, en concepto de artesanía, según precisaron.

En el marco de su visita, Jusufrić firmó acuerdos de cooperación con la Universidad Nacional del Este y con la UTCD, que permitirán intercambiar experiencias en el campo educativo y generar proyectos en el campo comercial.

USS 271
El vínculo comercial con



De Izq. a derecha: Peter Tase, Blas Oddone, Ibrahim Jusufrić i Sabahudin Hadžialić.



LA NACION
 Indispensable para decidir
 REPUBLICA DEL PARAGUAY - VÍENES 1 DE MAYO DEL 2015 - AÑO 20 - Nº 27.427 - C. S. 10.000 - www.lanacion.com.py
 EL SECTOR LÍQUIDO FUE LIQUIDADO PORQUE NO REÚNE EL PATRIMONIO MÍNIMO PARA OPERAR
 Anuncio: 31/05/15 - C. S. 10.000 - www.lanacion.com.py - 021 - 499.99.99 - 021 - 499.99.99 - 021 - 499.99.99

Intervju ABC COLOR